



Broj/Број: 03/1-50-1-7-33/09
Sarajevo/Сарајево, 10.3.2009.godine

Z A P I S N I K

33. sjednice Zajedničke komisije za odbranu i sigurnost BiH Parlamentarne skupštine BiH, održane 10. 3. 2009., u vremenu od 13 do 13,45 sati

Sjednici su prisustvovali slijedeći članovi Zajedničke komisije: Branko Zrno, Šefik Džaferović, Slobodan Šaraba, Drago Kalabić, Vinko Zorić, Jozo Križanović, Hazim Rančić, Dušanka Majkić i Adem Huskić.

Sjednici nisu prisustvovali: Sulejman Tihić, Mirko Okolić i Ivo Miro Jović.

Sjednici su prisustvovali i gosti, predstavnici medija, kao i predstavnici Sekretarijata Parlamentarne skupštine BiH:

- Marina Pendeš i Muhamed Smajić, Ministarstvo odbrane BiH,
- Tarik Sadović, Ministarstvo sigurnosti BiH,
- Dragiša Mekić i Midhat Izetbegović, Ministarstvo vanjske trgovine i ekonomskih odnosa BiH,
- Zoran Jovanović, Kabinet predsjedavajućeg Vijeća ministara BiH,
- Jasna Dragičević, Misija OSCE-a u BiH,
- Christian Haupt, Projekat podrške Parlamentu „SUNY“,
- Amel Fako, Ambasada SAD-a u BiH,
- Zoran Brkić, Sektor za odnose s javnošću PSBiH,
- Dragica Hinić, sekretar Zajedničke komisije za odbranu i sigurnost BiH, Željko Grubešić, stručni savjetnik, i Jovica Katić, stručni saradnik u Zajedničkoj komisiji za odbranu i sigurnost BiH.

Sjednicom je predsjedavao **Branko Zrno**, predsjedavajući Zajedničke komisije za odbranu i sigurnost BiH. Članove Zajedničke komisije upoznao je s predloženim dnevnim redom. Napomenuo je da je na zahtjev članova Komisije iz RS-a, a zbog zasjedanja NSRS-a, promijenjen prvobitni termin održavanja sjednice, odnosno da je njeno održavanje pomjereno za 11 dana. Za to vrijeme Sekretarijatu Komisije dostavljen je i određeni broj dodatnih materijala, te je stoga predložio da se u predloženi dnevni red uvrsti i razmatranje:

- Izvještaja o radu Vijeća ministara BiH za 2008. u dijelu nadležnosti Zajedničke komisije za odbranu i sigurnost BiH, a po zahtjevu Kolegija Predstavničkog doma PSBiH;
- Informativno razmatranje Odluke o visini, načinu i postupku ostvarivanja prava na naknadu za prijevoz na posao i sa posla u institucijama BiH (podnosilac: Upravni odbor Sindikata Granične policije BiH);
- Poziv za učešće u obuci iz oblasti Evropske sigurnosne i odbrambene politike (ESDP).

Dušanka Majkić predložila je da se tačke 3. i 4., koje se odnose na razmatranje Prijedloga zakona o izmjenama i dopunama Zakona o odbrani BiH i Prijedloga zakona o izmjenama i dopunama

Zakona o službi u Oružanim snagama BiH skinu s dnevnog reda, dok ne dobije mišljenje Vlade RS-e o njima.

Članovi Komisije su, nakon kraće rasprave, prihvatili navedeni prijedlog izmjena i dopuna dnevnog reda, te je konstatirano da 33. sjednica Zajedničke komisije za odbranu i sigurnost ima sljedeći

DNEVNI RED

1. Usvajanje Zapisnika 32. sjednice Zajedničke komisije;
2. Razmatranje Prijedloga zakona o izmjenama i dopunama Zakona o proizvodnji naoružanja i vojne opreme, druga komisijska faza (predlagač: Vijeće ministara BiH);
3. Razmatranje Izvještaja o radu Ministarstva odbrane BiH za 2008. (predlagač: Ministarstvo odbrane BiH);
4. Razmatranje Informacije o izvođenju vježbe „Združeni napor 2009.“ (sačinilac: Ministarstvo odbrane BiH);
5. Razmatranje Informacije o rješavanju viška naoružanja i municije Oružanih snaga BiH - povjerljivo (sačinilac: Ministarstvo odbrane BiH);
6. Razmatranje Informacije o hapšenju Vjekoslava Vukovića i preduzetim aktivnostima nakon tog događaja (sačinilac: Ministarstvo sigurnosti BiH);
7. Razmatranje Izvještaja o održavanju političkih konsultacija između Ministarstva vanjskih poslova BiH i IR Iran, Teheran, od 15. do 19. 11. 2008. (predlagač: Ministarstvo vanjskih poslova BiH);
8. Razmatranje Informacije o realiziranom Regionalnom seminaru „Integrirano upravljanje rizicima - izazovi i perspektive razvoja“, Ilidža, od 19. do 23.1.2009. (sačinilac: Ministarstvo sigurnosti BiH);
9. Razmatranje dopunjene Informacije o realiziranju zaključaka sa sastanka članova Zajedničke komisije za odbranu i sigurnost BiH sa članovima Odbora za sigurnost i odbranu Skupštine Crne Gore (sačinilac: Ministarstvo sigurnosti BiH);
10. Tekuća pitanja:
 - a. Poziv Skupštine Zapadnoevropske unije za učešće predsjedavajućeg Zajedničke komisije na kolokviju o temi: „EU/NATO odnosi“, Prag, 11. 3. 2009.;
 - b. Poziv Skupštine Zapadnoevropske unije za učešće predsjedavajućeg Zajedničke komisije na kolokviju o temi: „Civilno-vojna saradnja u upravljanju krizama“, Berlin, 2. 4. 2009.;
 - c. Poziv Ministarstva vanjskih poslova BiH za učešće članova Zajedničke komisije na Okruglom stolu o temi: „Poboljšanje poštivanja vojnopoličkih obaveza BiH“, Ilidža, 11. i 12. 3. 2009.;
 - d. Informacija o prisustvu Godišnjoj analizi protuminskih akcija Oružanih snaga BiH za 2008., Sarajevo, 21. 1. 2009.;
 - e. Informacija o učešću na regionalnoj ekspertnoj konferenciji o temi: „Partnerstvo za mir - pogodnosti i izazovi za susjedne zemlje“, Tuzla, 22. i 23. 1. 2009.;
 - f. Informacija o održanom sastanku s generalom Erricom Sabatom, komandantom Štaba NATO-a u BiH, Sarajevo, 2. 2. 2009.;
 - g. Informacija o inauguracijskoj svečanosti uništenja naoružanja, Vitez, 4. 2. 2009.;
 - h. Informacija o održanom sastanku s predstavnicima vojnodiplomatskog kora u BiH, Sarajevo, 5. 2. 2009.;
 - i. Informacija o prisustvu diskusiji o Nacrtu procjene planiranja i revizije (PARP) i razvoju partnerskih ciljeva za BiH, Sarajevo, 9. 2. 2009.
11. Izvještaj o radu Vijeća ministara BiH za 2008. u dijelu nadležnosti Zajedničke komisije za odbranu i sigurnost BiH, a po zahtjevu Kolegija Predstavničkog doma PSBiH;
12. Informativno razmatranje Odluke o visini, načinu i postupku ostvarivanja prava na naknadu za prijevoz na posao i sa posla u institucijama BiH (podnosilac: Upravni odbor Sindikata Granične policije BiH);
13. Poziv za učešće u obuci iz oblasti Evropske sigurnosne i odbrambene politike (ESDP).

Ad. 1. Usvajanje Zapisnika 32. sjednice Zajedničke komisije

Komisija je bez rasprave, jednoglasno, s devet glasova „za“, usvojila Zapisnik 32. sjednice Zajedničke komisije.

Ad. 2. Razmatranje Prijedloga zakona o izmjenama i dopunama Zakona o proizvodnji naoružanja i vojne opreme, druga komisijska faza (predlagač: Vijeće ministara BiH)

Branko Zrno konstatirao je da je član Komisije Dušanka Majkić podnijela tri amandmana na Prijedlog zakona, da je Vijeće ministara BiH dostavilo mišljenje na ove amandmane, te zamolio predstavnika nadležnog ministarstva da ga obrazloži.

Dragiša Mekić, predstavnik Ministarstva vanjske trgovine i ekonomskih odnosa BiH, istakao je da je Vijeće ministara BiH, na prijedlog nadležnog ministarstva, utvrdilo svoje mišljenje vezano za ove amandmane. Tako je predloženo da se amandman I., koji se odnosi na brisanje člana 2. Prijedloga zakona, ne prihvati, zatim da se amandman II., koji se odnosi na izmjenu člana 3. Prijedloga zakona prihvati u dijelu koji se odnosi na brisanje uvođenja saglasnosti Ministarstva odbrane BiH, te da se amandman III. u potpunosti prihvati.

Dušanka Majkić prihvatila je dato obrazloženje predstavnika Ministarstva vanjske trgovine i ekonomskih odnosa BiH, te je u skladu s njim odustala od amandmana I.

Odlučivanje u drugoj komisijskoj fazi

Zajednička komisija se, nakon odustajanja Dušanke Majkić od amandmana I., izjasnila o preostala dva amandmana.

Amandmani II. i III. usvojeni su sa osam glasova „za“, bez glasova „protiv“ i jednim „suzdržanim“ glasom.

Komisija se potom izjasnila o Prijedlogu zakona u cjelini sa usvojenim amandmanima.

Sa osam glasova „za“, bez glasova „protiv“ i jednim „suzdržanim“ glasom, Zajednička komisija je u drugoj komisijskoj fazi usvojila Prijedlog zakona o izmjenama i dopunama Zakona o proizvodnji naoružanja i vojne opreme i uputila ga u daljnju parlamentarnu proceduru.

Ad. 3. Razmatranje Izvještaja o radu Ministarstva odbrane BiH za 2008. (predlagač: Ministarstvo odbrane BiH)

Branko Zrno dao je uvodne napomene vezane za Izvještaj radu Ministarstva odbrane BiH za 2008.

Nakon kraće rasprave o ovoj tački dnevnog reda članovi Zajedničke komisije jednoglasno su, sa devet glasova „za“, usvojili navedeni izvještaj.

Ad. 4. Razmatranje Informacije o izvođenju vježbe „Združeni napor 2009.“ (sačinilac: Ministarstvo odbrane BiH)

Članovi Zajedničke komisije za odbranu i sigurnost BiH su, bez rasprave, primili k znanju Informaciju o izvođenju vježbe „Združeni napor 2009.“, koju je sačinilo Ministarstvo odbrane BiH.

Ad. 5. Razmatranje Informacije o rješavanju viškova naoružanja i municije Oružanih snaga BiH, povjerljivo (sačinilac: Ministarstvo odbrane BiH)

Branko Zrno naglasio je da je Informacija o rješavanju viška naoružanja i municije Oružanih snaga BiH označena stepenom „povjerljivo“, te je s obzirom na njen takav karakter, zamolio isključenje javnosti.

Nakon kraće pauze, Komisija je obavila raspravu o ovoj tački, u okviru koje je Adem Huskić predložio i određene zaključke.

Komisija je potom odlučila da se na ovoj sjednici ne izjašnjava o Informaciji, te da Adem Huskić dostavi prijedlog svojih zaključaka u pisanoj formi Sekretarijatu Komisije, kako bi se oni mogli dostaviti svim članovima Komisije do naredne sjednice, kada bi se Komisija ujedno i izjasnila o njima kao i o Informaciji u cjelini.

Ad. 6. Razmatranje Informacije o hapšenju Vjekoslava Vukovića i preduzetim aktivnostima nakon tog događaja (sačinilac: Ministarstvo sigurnosti BiH)

Branko Zrno u uvodnim napomenama istakao je da je, s obzirom da je u međuvremenu došlo do odgađanja ove sjednice Komisije, Predstavnički dom PSBiH ovu informaciju razmatrao prije Zajedničke komisije. Stoga je predložio da Zajednička komisija prihvati zaključke koje je u vezi s Informacijom usvojio Predstavnički dom, a kojim se ne prihvata Informacija, te obavezuje Vijeće ministara BiH da je dopuni u skladu sa zaključkom Predstavničkog doma sa 45. sjednice. On je dalje predložio i da Vijeće ministara BiH dopunjenu informaciju prosljedi i Zajedničkoj komisiji za odbranu i sigurnost, koja bi je potom razmatrala prije Predstavničkog doma.

Dužanka Majkić zamolila je članove Komisije iz Predstavničkog doma da ukratko upoznaju ostale članove Komisije o raspravi na Predstavničkom domu o ovom slučaju.

Jozo Križanović pojasnio je da Informacija koja je dostavljena Predstavničkom domu nije sadržajno održavala zaključke sa 45. sjednice Doma, te da je Predstavnički dom dobio samo jedan segment od onoga što je zaključeno na toj sjednici. U tom smislu Informacija je vraćena Vijeću ministara BiH koje je obavezano da je dopuni. Nadalje je pojasnio da je ovu informaciju dostavilo samo Ministarstvo sigurnosti BiH, dok je Predstavnički dom prvobitnim zaključcima obavezao Vijeće ministara BiH da, osim od ovog ministarstva, sve relevantne informacije povodom hapšenja Vjekoslava Vukovića sakupi i od Ministarstva pravde BiH i Ministarstva vanjskih poslova BiH. Predstavnički dom je, dakle, dobio Informaciju koju je za Vijeće ministara BiH sačinilo Ministarstvo sigurnosti BiH, ali je postojalo nezadovoljstvo odnosom Vijeća ministara BiH prema toj informaciji. On je naveo da je Vjekoslav Vuković, osim što je pomoćnik ministra sigurnosti za borbu protiv terorizma, organiziranog kriminala i zloupotrebe narkotika, član još nekoliko domaćih i međunarodnih tijela, te je zaključio da je Ministarstvo sigurnosti BiH pokrenulo određenu mjeru suspenzije, dok se Vijeće ministara BiH o tome uopće nije izjasnilo i samo ju je prosljedilo Domu na razmatranje.

Tarik Sadović, ministar sigurnosti BiH, naveo je da Ministarstvo sigurnosti BiH sačinilo ovu informaciju i da ju je nakon toga Vijeće ministara BiH usvojilo, te zaključio da to stoga više nije informacija Ministarstva sigurnosti BiH nego Vijeća ministara BiH. Nadalje je rekao da je ovo Ministarstvo, kada je radilo Informaciju, u njoj objedinilo sva raspoloživa saznanja od Ministarstva vanjskih poslova BiH, kao i od Ministarstva pravde BiH, te je tako objedinjene informacije dostavilo Vijeću ministara BiH.

Branko Zrno je potom dao na glasanje svoj prijedlog zaključaka.

Članovi Zajedničke komisije su, sa osam glasova „za“, bez glasova „protiv“ i jednim „suzdržanim“ glasom, usvojili zaključke koje je po ovoj informaciji predložio Branko Zrno.

Ad. 7. Razmatranje Izvještaja o održavanju političkih konsultacija između Ministarstva vanjskih poslova BiH i IR Iran, Teheran, od 15. do 19. 11. 2008. (predlagač: Ministarstvo vanjskih poslova BiH)

Članovi Zajedničke komisije bez rasprave su jednoglasno, s devet glasova „za“, usvojili Izvještaj o održavanju političkih konsultacija između Ministarstva vanjskih poslova BiH i IR Iran, predlagača Ministarstva vanjskih poslova BiH.

Ad. 8. Razmatranje Informacije o realiziranom Regionalnom seminaru „Integrirano upravljanje rizicima – izazovi i perspektive razvoja“, Ilidža, od 19. do 23. 1. 2009. (sačinilac: Ministarstvo sigurnosti BiH)

Članovi Zajedničke komisije bez rasprave su primili k znanju Informaciju o realiziranom Regionalnom seminaru „Integrirano upravljanje rizicima – izazovi i perspektive razvoja“, koju je sačinilo Ministarstvo sigurnosti BiH.

Ad. 9. Razmatranje dopunjene Informacije o realiziranju zaključaka sa sastanka članova Zajedničke komisije za odbranu i sigurnost BiH sa članovima Odbora za sigurnost i odbranu Skupštine Crne Gore (sačinilac: Ministarstvo sigurnosti BiH)

Slobodan Šaraba predložio je da Zajednička komisija na prvoj narednoj sjednici dobije od predlagača dodatne podatke o ovoj informaciji, kada bi se trebalo i definitivno izjasniti o Informaciji u cjelini.

Članovi Komisije prihvatili su prijedlog Slobodana Šarabe.

Ad. 10. Tekuća pitanja:

- a. Poziv Skupštine Zapadnoevropske unije za učešće predsjedavajućeg Zajedničke komisije na kolokviju o temi: „EU/NATO odnosi“, Prag, 11. 3. 2009.**

Zajednička komisija odlučila je da niko od njenih članova neće učestvovati na ovom kolokviju.

- b. Poziv Skupštine Zapadnoevropske unije za učešće predsjedavajućeg Zajedničke komisije na kolokviju o temi: „Civilno-vojna saradnja u upravljanju krizama“, Berlin, 2. 4. 2009.**

Zajednička komisija odlučila je da niko od njenih članova neće učestvovati na ovom kolokviju.

- c. Poziv Ministarstva vanjskih poslova BiH za učešće članova Zajedničke komisije na Okruglom stolu o temi: „Poboljšanje poštivanja vojnopolitičkih obaveza BiH“, Ilidža, 11. i 12. 3. 2009.**

Zajednička komisija odlučila je da na ovom okruglom stolu učestvuje Slobodan Šaraba.

- d. Informacija o prisustvu Godišnjoj analizi protuminskih akcija Oružanih snaga BiH za 2008., Sarajevo, 21. 1. 2009.**

Zajednička komisija primila je k znanju Informaciju o prisustvu Godišnjoj analizi protuminskih akcija Oružanih snaga BiH za 2008.

- e. Informacija o učešću na regionalnoj ekspertnoj konferenciji o temi: „Partnerstvo za mir - pogodnosti i izazovi za susjedne zemlje“, Tuzla, 22. i 23. 1. 2009.**

Zajednička komisija primila je k znanju Informaciju o učešću na regionalnoj ekspertnoj konferenciji o temi: „Partnerstvo za mir - pogodnosti i izazovi za susjedne zemlje“.

f. Informacija o održanom sastanku s generalom Erricoom Sabatom, komandantom Štaba NATO-a u BiH, Sarajevo, 2. 2. 2009.

Zajednička komisija primila je k znanju Informaciju o održanom sastanku sa generalom Erricoom Sabatom, komandantom Štaba NATO-a u BiH.

g. Informacija o inauguracijskoj svečanosti uništenja naoružanja, Vitez, 4. 2. 2009.

Zajednička komisija primila je k znanju Informaciju o inauguracijskoj svečanosti uništenja naoružanja.

h. Informacija o održanom sastanku s predstavnicima vojnodiplomatskog kora u BiH, Sarajevo, 5. 2. 2009.

Zajednička komisija primila je k znanju Informaciju o održanom sastanku s predstavnicima vojnodiplomatskog kora u BiH.

i. Informacija o prisustvu diskusiji o Naertu procjene planiranja i revizije (PARP) i razvoju partnerskih ciljeva za BiH, Sarajevo, 9. 2. 2009.

Zajednička komisija primila je k znanju Informaciju o prisustvu diskusiji o Naertu procjene planiranja i revizije (PARP) i razvoju partnerskih ciljeva za BiH.

Ad. 11. Izvještaj o radu Vijeća ministara BiH za 2008. u dijelu nadležnosti Zajedničke komisije za odbranu i sigurnost BiH, a po zahtjevu Kolegija Predstavničkog doma PSBiH

Dragica Hinić pojasnila je da Izvještaj u sebi sadrži dio koji se odnosi na Ministarstvo odbrane BiH, a koji je Komisija praktično već uradila, potom dio koji se odnosi na Ministarstvo sigurnosti BiH, zatim u okviru Ministarstva vanjskih poslova BiH dio koji se odnosi na NATO i Partnerstvo za mir, te u okviru Ministarstva vanjske trgovine i ekonomskih odnosa BiH dio koji se odnosi na proizvodnju i promet naoružanja i vojne opreme.

Dušanka Majkić zaključila je da je ovo prvi put da se u nadležnost komisija PSBiH uvrštava razmatranje dijelova ovog izvještaja.

Branko Zrno potom je predložio da Zajednička komisija i na narednoj sjednici razmatra ovaj izvještaj.

Članovi Komisije jednoglasno su, s devet glasova „za“, prihvatili prijedlog Branka Zrne.

Ad. 12. Informativno razmatranje Odluke o visini, načinu i postupku ostvarivanja prava na naknadu za prijevoz na posao i sa posla u institucijama BiH (podnosilac: Upravni odbor Sindikata Granične policije BiH)

Dušanka Majkić predložila je da se razmatranje ove odluke odgodi za narednu sjednicu, te da se na nju pozovu predstavnici Ministarstva finansija i trezora BiH koji će članovima Zajedničke komisije dati pojašnjenje šta bi podržavanje ovakve odluke od Zajedničke komisije značilo za budžet BiH.

Branko Zrno predložio je da Zajednička komisija primi k znanju ovu informaciju i da je kao takvu prosljedi Ministarstvu finansija i trezora BiH.

Članovi Zajedničke komisije potom su prihvatili prijedlog Branka Zrne i primili k znanju ovu informaciju.

**Ad. 13. Poziv za učesće u obuci iz oblasti Evropske sigurnosne i odbrambene politike (ESDP)
Modul 1- Beograd, od 23. do 27.3.2009.**

Zajednička komisija predložila je da na ovoj obuci učestvuje Željko Grubešić.

Zapisnik sačinila
Dragica Hinić

Predsjedavajući
Zajedničke komisije
Branko Zrno